



## 阿義的罪罣

隔壁的阿義有老人羶閣貧惰洗身軀，人未到會先鼻著蔞蔞的汗酸味，真正予人接載袂牢。毋過個囡講伊若洗過頭髮，規个人有芳芳的雪文味，就是伊跋輪筊的時陣；反顛倒有贏錢就顧淋酒，茫甲毋知天地有幾斤重，攏袂想欲洗予清氣 tang-tang、輕輕鬆鬆來過日，正經是一个誠奇的怪人。

我家己咧心肝頭臆，是毋是筊鬼本成就有一種講袂出喙的「罪罣(tsuē-kuà)」，覘佇上深、上遠的頭殼碗仔內，閒時無聲無說，揣袂著伊真正的影跡佇佗；便若輸到橐袋仔袋磅子(pōng-tsi)，敗到塗塗塗的時，伊就免人請即時家己跳出來蹣蹣、恥笑伊的主人，修理甲流血流淌猶毋放手。主人的心肝愈來愈齷齪(ak-tsak)的時，「罪罣」就愈重，袂輸一隻綴佇尻川後的歹鬼，趕袂走、撥袂離，心肝若會清，才是奇！

抑若洗身軀用手攄烏銑、沖汗酸的時陣，筊鬼的頭殼內想的是，緊猛做一伙共齷齪、罪罣，出大力攄落來塗跤兜，流入去臭水溝仔底，同齊共彼隻鬼卸(sia)甲離離離，人才會清心。

這款人，一遍過一遍去變(pinn)遮的代誌，無事無白都攄無歇矣，總無講流臭汗、歸身黏黏的時，隨欲沖、欲洗嘛毋是啥物意外，一工舞三、四擺猶袂煞。上害的是，有人連跤手、衫褲、被單、椅苴、桌頂、塗跤，嘛攏誠捷洗、不時換、逐工攄、直透沖、隨時拭，齧頭毋捌停晒過。我想，這毋是獨獨阿義爾，是所有的筊鬼逐擺跋輪攏想欲洗身軀的緣故，個遮的人永遠袂精神，嘛無法度悔改。好佳哉，我是倚佇邊仔的閒人，按頭斟酌到尾，攏無落勾去，若無，盍有才調臆著伊的代誌咧？

作者：藍春瑞

### ☆詞彙學習☆

- |                            |                      |
|----------------------------|----------------------|
| 【羶】hiàn：特有的腥味              | 【烏銑】oo-sian：身上的污垢    |
| 【蔞蔞】hiam-hiam：噲鼻的怪味        | 【緊猛】kín-mé：趕緊        |
| 【雪文】sap-bûn：肥皂             | 【黏黏】liâm-thi-thi：很黏  |
| 【筊鬼】kiáu-kuí：賭鬼            | 【斟酌】tsim-tsiok：注意、留心 |
| 【本成】pún-tsiann：原本          | 【落勾】làu-kau：遺漏       |
| 【橐袋仔袋磅子】：口袋裝砒碼，意指囊空如洗，沒有錢財 | 【才調】tsâi-tiâu：本領、能力  |

### ☆文法學習☆

【袂輸……】：用來表示如同、好比、就像……，後面可以接名詞或狀態描述，是一種用來比喻的句式，例如「妝按呢袂輸鬼咧（裝扮成這樣就像鬼似的）」、「伊歡喜甲袂輸著頭獎（他高興得好比得了頭獎）」。也可以在最末加上「全款」，例如「聽你講袂輸人就佇現場全款（聽你說如同人就在現場一樣）」。